

ašk-id tnjjat-ağ 12

- 1 wa-rbbi ašk-id tnjjat-ağ.
ur-sul-iqama yan iskarn afulki.
ur-sul-illi ma-ğ-tqama nniyt.
- 2 kud yan ar-itasi tikrkas s-wadjar-ns.
d-wanna itškarn, takndawt a-f-iskr.
- 3 ašk-id a-rbbi tqqnt infurn n-ikndawn.
tbbit alsiwn n-isfurrugn,
- 4 ar-ttinin ntni «s-wawal a-s-ra-nmmağ,
d-ils a-s-ra-nnru, ur-rad-ağ-yizḍar yan.»
- 5 imma rbbi hati inna-yyi: «ğilad a-rad-nkrğ.
ašku ššan imzlaḍ ar-ssmummuyn igllinn,
ra-tn-ğğ ğ-laman lli-ḡuḡḡn.»
- 6 iwaliwn n-rbbi iwaliwn šfanin ad-gan,
zund nnuqrt ğ-uruku ğ-iggi n-takat, tşfu s-ssa twal.
- 7 wa-rbbi ašk-id tnjjat-ağ,
tssntlt-ağ zğ-tasut-ad y^wḥşnn.
- 8 hati lullin-ağ id-bu-šmutit,
iezzu ma-y^wḥşnn dar tarwa n-bnadm.